

## Балгъсна күч-көлсчнр Закана проектиг таасджана

Августин 24-д Элстин рем-стройконторин кӧдлмшчнрин олна хургт, олд харш, мек-тахин аргъар, амтнӧ күч-кӧлсӧр бӧӧдг улсла ноолда чанъгъахин тускар, РСФСР-н Деед Советин зака гаргългъна зӧвшӧлин Комиссин Закана проект хӧлӧджд кӧундгдв. Хургт 128 кӧн орлцв. 10 гар кӧн босдж ӱг келцхӧв.

Эн Закан цаглагъан гарчах, олд-амтнд тааста закон болхмн, эн проектиг таасдж дӧнънхмн гндж хург шиидвртӧн бичв.

Пушкинӧ нертӧ уульнд арвн ӧрк болгъар йовдж, эн Закана проектиг олд амтнд цӧӧлгъджд

ӧгтхӧ гндж хург агитатормуд Селезнев боли Смолянова хойрт даалгъв.

\* \* \*  
Августин 26-д Элстин Авто-транспортн конторин кӧдлмшчнрин 83 кӧн орлцен хург деер олд харш, кӧдлмш келго, мек-тахар бӧӧдг улсла ноолда чанъгъахин тускар РСФСР-н Деед Советин зака гаргългъна зӧвшӧлин Комиссин Закана проект сонъсдж, кӧундвр кецхӧв.

Хургт босдж ӱг келцхӧсн Миронов, Гегин, Бошко, Сергиенко, нань чигн кесг улс эн Закана проектиг таасдж, дӧ-

нънцхӧв. Нег кӧдлмшӧс гарад, талдан кӧдлмшӧр гӧудг, сӧӧнас сӧӧниг хӧӧгъӧд йовдг амтс Элстд чигн бӧӧцхӧнӧ, тинм улсиг цаглань илткдж, засгла харгъулджах кергтӧ гндж келцхӧв.

Хург нег дуугъар Закана проектиг таасдж дӧнънджӧх шиидвр авӧ.

Элстин, „1 Мая“ артелине цех болгънд бас эн тӧрӧр хург болцхав. Эн хургуд РСФСР-н Деед Советин зака гаргългъна зӧвшӧлин Комиссин Закана проектиг нег дуугъар таасдж дӧнънцхӧв.